



23. juli 2013

UKA 2013/86

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ingerlatseqatigiiffiit Kalaallit Nunaannilu oqartussaasut whistleblowerreqar-nissamut aaqqissuussinissamut (kinaassutsimik ersersitsisuunngitsumik ilisima-samik ingerlatitseeqqiisinaanermut periarfissiisumik) malittarisassiuunneqar-nissaannut Naalakkersuisut peqquneqarnissaannut Inatsisartut aalajangiiffigi-sassaattut siunnersuut. (Inatsisartunut ilaasorta, Naaja H. Nathanielsen, Inuit Ataqatigiit)

Tunngavilersuut

Whistlebloweri tassaavoq inuk suliffimmini annerusumik minnerusumilluunniit nipangersimasussaatitaaffeqarluni pisunut unioqqutitsisunut isornartunulluunniit tunngatillugu oqartussaasunut pisortanullu paasissutissamik ingerlateqqiisoq. Tamanna inuk taanna ingerlatseqatigiiffimmi tassani imaluunniit immikkoortortami unioqqutitsiviusumi suliffeqartillugu pigajuttarpoq.

Inuiaqatigiit eqqarsaatigalugit inuit pisunik isornaatilinnik imaluunniit unioqqutitsisusunik nalaataqartillutik sulisitsisuniit allanilluunniit pillaatitut akiniarneqarnissamut illersuugaallutik oqaluttuarnissaminut periarfissinneqartariaqarput.

Kalaallit Nunaanni nalunaarsuineranut inatsisit 1979-meersut atuupput. Nalunaarsuineranut inatsit naapertorlugu paasissutissat inummut tunngasut, inuk taanna ilisimateqqaarnagu, nalunaarsorneqaaqusaanngillat. Tamanna soorunami pisanut tunngatillugu missuinissanut ajornakusoortitsisorujussuanngartarpoq. Tamannattaq nalunaarsuineranut inatsit namminersortuni atuutsillugu namminersortunut atuuppoq.

Taamaattumik inatsisit atuuttut whistleblowerreqarnissamik aaqqissuussinissamut ajornakusoortitsipput. Taamaattumillu whistleblowerreqarnissamik aaqqissuussinissamut inatsisitigut aporfissaqannginnissaa qulak-keerniarlugu inatsisit atuuttut misissorneqarnissaat siunnersuutigivara.

Pisortani aningaasatigut allaffissornikkullu kingunissai

Inatsisip atuuttup misissorneqarnissaannut allannguuteqarsinnaanissaanullu nukiit pioreersut atorreqarsinnaanissaat naatsorsuutigineqarpoq.

Namminersortuni aningaasatigut allaffissornikkullu kingunissai

Soqanngilaq

Innuttaasuni aningaasatigut allaffissornikkullu kingunissai

Soqanngilaq